

四庫全書考證

一四



漢書補注

(二十二)

王先謙補注

國學基本叢書

地理志第八下一

漢書二十八

漢

蘭

臺

令

史班

固撰

唐正議大夫行祕書少監琅邪縣開國子顏師古注

賜進士出身翰林院編修國子監祭酒加三級臣王先謙補注

武都郡

〔補注〕先謙曰：漾水注王莽更名樂平郡。縣曰循虜。循虜即武都。是武都為郡治也。續志：後漢治下辨。劉注：維陽西千九百六十里。

武帝元鼎六年置

〔補注〕先謙曰：武紀同。後書西南夷傳：白馬氏者，武帝元

鼎六年開分廣漢西部合以為武都。魚豢魏略：漢置武都郡，排其種人分竄山谷，或稱青氏，或稱白氏。華陽國志：東接梓潼，西接天水，北接始平。

莽曰樂平

應劭曰：故白馬氏羌。〔補注〕先謙曰：續志：後漢因屬涼州，志失書。

戶五

萬一千三百七十六口二十三萬五千五百六十

縣九

武都東漢水受氏道水一名沔過江夏謂之夏水入江

〔補注〕王念孫曰：東漢水東字後人所加。下文隴西氏道下云：養水東至武都為漢，不言東漢也。志言西漢水者，別

於漢水而言之。若漢水則本無東漢之稱。先謙曰：禹貢：蟠冢導漾，東流為漢。說文：漾水出隴西獬（氏字之誤）道東至武都為漢。本志：氏道下云：禹貢漾水所出，東至武都為漢。是漢水在氏道曰漾水，至武都曰漢水也。云一名沔者，互詳沮縣下。此舉江夏郡名沮下

舉沙羨縣名。用明互見之義耳。其原委備具沮下。沈彥云。二漢水俱出隴西西縣蟠冢山。西漢水南入廣漢白水。東南至江州入江。漢水在氏道則爲漾水。至武都則爲漢水。蓋蟠冢山包絡數縣。班氏箸蟠冢於西縣。而氏道則不言。以旣言禹貢漾水。則知是禹貢之蟠冢導漾。不必再言蟠冢也。西縣在西。氏道在東。二縣相聯。蟠冢縣亘二縣之南。山之西南。西漢水所出。山之東南。東漢水所出。細檢班志。源流極分明。漢水至武都。又受沮縣之沮水。猶西漢水至廣漢葭明。又受甸氏道之白水也。後世自氏道至武都。漾水故瀆不可見。於是專以沮縣之沮水爲漢源。而西縣之蟠冢遂屬之西漢所出。又別名一山曰蟠冢。而眞蟠冢之在西與氏道者。轉付之芒昧矣。沮水特漢別源。其正源之漾水。實在隴西。而經武都耳。陳澧云。氏道下云。養水至武都爲漢。此云漢水受氏道水。皆存禹貢故道。漢世漢水已不受氏道水。故更以沮水爲其源。凡漢水所納之水。志云入漢。或云入沔。惟不云入沮。以沮水本非漢水正源也。

天池大澤在縣西。

〔補注〕先謙曰。續志劉注。華陽國志云。有大池。澤疑文有脫誤。天池大澤卽仇池。紀要。天池山。

在徽縣南三十里。提綱。洮州衛湫池是也。卽白水之源。漾水注。西漢水自嘉陵道來。東南逕瞿堆西。又屈逕其南。高二十餘里。羊腸蟠道三十六回。開山圖謂之仇夷。上有平田百頃。煮土成鹽。因以百頃爲號。武帝以爲武都郡。常璩范曄云。郡居河池。一名仇池。池方百頃。卽指此也。左右悉白馬氏。西漢水又東合洛谷水。洛溪水。〔見上祿〕下入平樂道。

莽曰循虜。

師古曰。以有天池大澤。故謂之都。〔補注〕先謙曰。續志。後漢因。漾水注。強水自廣漢陰平來。東北逕武都下。仍入陰平。又沔水注。漾水北發武都氏。

中。南流水西有山。名白馬塞。東對白馬城。一名陽平關。盡水又南入沔。爲盡口。一統志。故城今成縣西。

上祿。

〔補注〕先謙曰。續志。後漢因。漾水注。洛溪水出洛谷。南逕威武戍南。又西南合龍川水。又東南逕上祿縣故城西。修源濬導。逕引北溪。南總兩

川。流入西漢水。〔見武都〕。

故道。

〔補注〕先謙曰。高祖用韓信計。從此襲章邯。見高紀。曹參攻之。見參傳。

莽曰善治。

〔補注〕先謙曰。續志。後漢因。渭水注。扞水出周道谷。北逕故道縣故城西。縣有怒特祠。本

南山大梓。秦文公時。立祠扞水。東北至大散關入渭。〔見扶風武功〕。又漾水注。故道水自扶風陳倉來。西南流入故道川。逕故道城東。〔元魏築〕。合馬鞍山水。北川水。廣香川水。尙婆水。黃盧山水。下入下辨道。案元和志。漢縣。晉永嘉後。沒入氏羌。後魏變文爲同道。

今梁泉兩當二縣。並漢縣地。故道水入故道川。今州治即故道川也。一統志。故城今鳳縣西北。接兩當縣境。

河池

〔補注〕先謙曰。官本考證云。池。監本訛地。從宋本改正。

泉街水南至沮。入漢。行五百

二十里。

〔補注〕先謙曰。續志。劉注。有泉街水。沔水注。泉街水出河池縣。東南流。下入沮縣。陳澧云。今鳳縣嘉陵江源。南至徽縣。合西漢水者也。今略陽縣北。三水合流。一西漢水。一黑峪江。〔即濁水〕。一嘉陵江源。其水自發源至與西漢合。約三百餘里。爲

漢時五百餘里。知爲泉街水矣。

莽曰樂平亭

師古曰。華陽國志云。一名仇池。地方百頃。〔補注〕先謙曰。河池即仇池異名。此山接界廣遠。故在武都者。爲武都山。而河池又以山氏縣。續志。後漢因。漾水注。仇鳩水出鳩溪。南逕河池縣。故城。西。南流

入濁水。河池水出河池北谷。〔今九龍池水〕。南逕河池。成東西。南入濁水。〔並見下辨〕。一統志。故城今徽縣西。

平樂道

〔補注〕先謙曰。續志。後漢省。漾水注。西漢水自武都來。東南逕濁水城南。合平樂水。下入循成道。平樂水自下辨道來。東

逕平樂戍南。入西漢水。謂之會口。趙一清云。平樂道。即平樂戍也。樂一作洛。故地形志。修武郡有平洛縣。一統志。故城今階州東北。

沮

〔補注〕徐松曰。郿閣頌。沮縣士民。或給州府。休謁往還。恆失日晷。謂此縣之人至武都郡也。先謙曰。續志。後漢因。一統志。故城

今略陽

沮水出東狼谷。南至沙羨。南入江。

〔補注〕先謙曰。續志。沔水出東狼谷。沔水篇。沔水出沮縣東狼谷口。注云。沔水一名沮水。關駟云。以其初出沮洳然。故曰沮水也。縣亦受名焉。導源南流。合泉街水。

又東南逕沮水戍。注漢。曰沮口。尚書。蟠冢導漾。東流爲漢。山海經。所謂漢出鰲隅山也。東北流。得獻水口。又合沮口。同爲漢水之源也。又東逕白馬戍南。合澧水。下入漢中。沔陽泉街水自河池來。東南入沮縣。注沔。先謙案。陳澧云。此沮水。今沔縣之上沮水。有澧水。東南行數十里。注之。案。水經注。所稱漢水。皆西漢也。於禹貢之漢。則但謂之沔水。沮水。沮縣南與葭萌接壤。東狼谷即禹貢蟠冢山。〔通典所謂金牛之蟠冢〕。爲東漢水所自出。閻若璩謂當以武都縣下。一名沔。過江夏。謂之夏水。十字補入。此處東狼谷之下。然後東漢水原委方備。非也。此志所載蟠冢。過郡五。〔補注〕先謙曰。武都。行四千里。荊州川。師古曰。沮。音千余反。羨。音夷。〔補注〕先謙曰。官正自分明。後人讀之不審耳。漢中南陽南郡江夏。

灋西南流。入兩當溪。下入下辨。從沮至下辨。山道險絕。水中多石。後漢虞詡所開。又云。西漢水自循成道來。東南於縣槃頭郡南。元和志。城在長舉縣三里。後魏置。合濁水。又逕挾崖。合挾崖水。又東逕武興城南。後魏郡。元和志。以爲卽漢沮縣。又東南合北谷水。又西南逕關城北。合除水。又逕通谷。合通谷水。又合寒水。廣平水。平阿水。漢壽水。下入廣漢白水縣。濁水自下辨道來。南逕槃頭郡。合鳳溪水。見下辨道。南入西漢。通谷水出西北通溪。上承漾水。西南流。爲西漢水。先謙案。漾水在此與西漢水通流。蓋西漢水之名。始於嘉陵道。補注。先謙曰。續志。後漢省。漾水注。西漢水自隴西西縣來。南入嘉陵道。爲嘉陵水。世俗名之爲階陵水。非也。又此矣。東南合北谷水。武街水。倉谷水。下入武都。一統志。故城今成縣西北。後魏爲階陵縣。嘉陵水源流。酈注甚晰。後人以故道水。循成道。補注。王念孫曰。循。當爲脩。隸書循脩二字相似。傳寫易訛。魏志。隋志。漾水注。並作脩城。先謙曰。續志。後漢省。當之誤矣。漾水注。西漢水自平樂道來。東南逕脩城道南。合脩水。下入沮縣。脩水總二源。東北入西漢水。一統志。故城今

略陽縣西北。

下辨道。

補注。先謙曰。曹參政之見參傳。

莽曰楊德。

師古曰。辨。音步見反。補注。先謙曰。官本。楊作揚。後漢因。續志無道字。劉注有赤亭。華陽國志。下辨一曰武街。漾水注。平樂水出武街東北四十五里。更馳南

溪。導源東北流。山側有甘泉涌注。又逕甘泉戍南。下入平樂道。濁水出濁城北。今黑峪江。東流合丁令溪水。又逕武街城南。故下辨縣治也。後魏廣業郡治。濁水又合宏休水。逕白石縣南。後魏縣。後漢虞詡爲武都太守。下辨東三十餘里有峽。峽中白水。生大石。濁水卽白水之異名也。又東南合壘陽水。仇鳩水。河池水。見河池。兩當水。下入沮縣。故道水自故道來。南入縣。後魏東益州廣業郡。合沮水。枝津。又西南入濁水。沮水。枝津自沮縣來。西南入故道水。爲兩當溪水也。鳳溪水上承濁水。於廣業郡南。逕鳳溪。中有二石。雙高。其形若闕。漢世有鳳皇止焉。謂之鳳皇臺。去郡三里。水出臺下。東南流。左注濁水。見沮縣。一統志。故城今成縣西三十里。

隴西郡。

補注。先謙曰。郡治未詳。續志。後漢治狄道。劉注。維陽西二千二百二十里。

秦置。

補注。先謙曰。河水注。秦昭王二十八年置。以隴西、天水、安定、北地、上郡、西河爲六郡。所謂六郡良家子給羽林期門是也。錢大昭云。異姓諸侯王。

表云漢拔我隴西則高帝元年屬雍國二年方屬漢

莽曰厭戎

應劭曰有隴坻在其西也師古曰隴坻謂隴阪即今之隴山也此郡在隴之西故曰隴西坻音丁計反又音底〔補注〕先謙曰續志後漢因屬涼州志失書河水注引應劭云有隴坻在

其東故曰隴西也此注脫東故曰隴四字

戶五萬三千九百六十四口一十二萬六千八百二十四有鐵官鹽

官

縣十一

狄道

〔補注〕先謙曰漢初匈奴頻寇之見高后文紀縣人辛武賢辛慶忌見本傳

白石山在東莽曰操虜

師古曰其地有狄種故云狄道〔補注〕先謙曰續志後漢因河水注洮水自安故來北逕狄道縣故城西

又合隴水又右合二水左會大夏川水〔見大夏〕下入金城枹罕隴水即山海經所謂濫水也出鳥鼠山西北高城嶺西逕隴坻其山岸崩落者聲聞數百里故揚雄稱響若坻頽是也又西北歷白石山下地理志曰狄道東有白石山又逕武街城南〔晉分狄道置縣〕又逕狄道縣故城東又西北入洮一統志故城今狄道州西南白石山在今州東隴水所經自寰宇記謂

山有梁泉後人遂誤以爲即蘭州之山蓋蘭州東南八十里亦有白石山山有梁泉也河水西亦有白石山

上邽

應劭曰史記故邽戎邑也

師古曰邽音圭〔補注〕先謙曰秦伐邽戎以爲縣見秦紀周勃所攻見世家縣人趙充國段會宗見本傳上官桀見外戚傳續志後漢改屬漢陽劉注秦州記縣北有利山川中平地有土堆高五丈生細竹翠茂殊常二楊樹大數十圍百姓祀之渭水注渭水自天水翼來東歷上邽縣北邽山之陰流逕固嶺東北又東南合蘭渠川水神澗水歷泉水又東南出橋亭西合藉水下入天水縣諸道藉水出西山〔今秦州固城山〕東歷當亭川〔後魏當亭縣今伏羌縣南〕左合當亭水右合曾席水〔地形志上邽有席水〕大弁川水

又東南合竹嶺水。又東北逕上邽縣。左右各帶四水。又東合黃瓜水。（後魏立黃瓜縣。今秦州西南。）毛泉谷水。又東逕上邽故城南。得覈泉水。漾水。陽谷水。宕谷水。段溪水。（在今秦州南。）入渭。漾水出縣西北。邽山翼帶衆流。東流南屈。逕上邽縣故城西。側城南出。舊天水郡治。（晉魏亦治此。）五城相接。北城中有湖水。有白龍出。是湖風雨隨之。故武帝元鼎三年。改爲天水郡。其鄉居悉以板蓋屋。詩所謂西戎板屋也。漾水又南注藉水。山海經曰。邽山。漾水出焉。而南流。注於洋藉水。即洋水也。先謙案。據渭水注。上邽在前漢必曾屬天水。而後復故。故本書趙充國上官皇后傳。並云隴西上邽人。段會宗傳。又云天水上邽人。是其證也。又漾水注。馬池水出上邽西南六十餘里。謂之龍淵水。開山圖曰。隴西神馬山有淵池。龍馬所生。即是水也。西流入西漢水。（見西。）一統志。故城今秦州西南。邽山在安故。（補注）先謙曰。縣見武紀。續志。後漢因。河水注。洮水自臨洮州西北。安故。來北逕安故縣故城西。下入狄道。一統志。故城今狄道州南。

氏道。禹貢養水所出。至武都爲漢。（補注）齊召南

曰。養當作漾。前文引禹貢蟠冢道漾。即其證也。王念孫曰。說文。漾。古文作漾。今志作養者。漾之假借字也。續志亦作養。淮南地形篇作洋。高注。洋。或作養。是古書多以養爲漾。又云。至武都爲漢。至上脫東字。禹貢蟠冢導漾。東流爲漢。即班志所本。說文。漾水出隴西獮道。（當依漢志作氏道。水經注已辯之。）又云。東至武都爲漢。水經云。漾水出隴西氏道縣蟠冢山。東至武都沮縣。爲漢水。皆本班志。先謙曰。續志。養水出此。劉注。巴漢志云。漢水二源。東源出縣之養山。名養。漾水注。孔安國云。泉始出爲漾。其猶漾耳。常璩專爲漾山漾水。當是作者附爲山水之殊目。先謙案。注引常璩闕駟。皆言東源出氏道。爲漢。西源出西縣。爲西漢。與司馬彪袁山松同。闕駟言。漾水出崑崙西北隅。至氏道。重源顯發。爲漾水。則本之山海經及高誘說。道元於漾水篇。但辨常璩西漢始源曰。沔之誤。許慎呂忱漾水出獮道之非。以下專敘西漢源流。不言漢水。良以養水初源。無可推證。水經既附西漢於漾水。因而釋之。至漾水下至武都。則分晰於河水沮水篇下也。

莽曰亭道。師古曰。氏。夷種名也。氏之所居。故曰氏道。氏音丁。溪反。養音弋。向反。字本作漾。或作養。

〔補注〕先謙曰。續志。後漢因。錢坫云。故城。今首陽。（補注）先謙曰。有西極山。見元紀。續志。後漢因。劉清水縣西南。縣在上邽之東南。下辨之東北。注有三危。三苗所處。一統志。故城在渭源縣東北。禹貢鳥鼠同穴山在

西南渭水所出東至船司空入河。

〔補注〕先謙曰禹貢山水澤地篇鳥鼠同穴山在首陽縣西南與志合船司空京兆縣說文渭水出首陽渭首南谷東入河渭水注渭水出縣首陽山渭首亭南谷山在鳥鼠山西

北此縣有高城嶺嶺上有城號渭源城渭水出焉三源合注東北流逕首陽縣西與別源合其水南出鳥鼠山渭水谷禹貢所謂渭出鳥鼠者也地說曰鳥鼠山同穴之枝榦也渭水出其中東北過同穴枝閒既言其過明非一山也渭水東南流逕首陽縣南右得封溪水次廣相溪水共谷水左則天馬溪水次伯陽谷水亂流東南出下入襄武一統志鳥鼠山在今渭源縣西鳥鼠同穴詳山海經郭注

過郡四

〔補注〕先謙曰隴西天水扶風京兆

行千八百七十里雍州瀋

〔補注〕先謙曰胡渭引易氏云渭水自渭源至入河通計一千四百三十一里

予道莽曰德道

〔補注〕先謙曰續志後漢省

大夏莽曰順夏

〔補注〕朱一新曰順夏汪本作順陵誤先謙曰續志後漢因河

水注大夏川水出西山二源合舍而亂流逕金紐城南十三州志云大夏縣西有故金紐城去縣四十里又東北逕大夏縣故城南地道記云縣有禹廟禹所出也又東北出山入洮一統志故城今河州東南大夏水今三岔河

羌道

〔補注〕先謙曰高帝

時地震見紀續志後漢改屬武都一統志故城今階州西成固縣西北

羌水出塞外南至陰平入白水

〔補注〕先謙曰陰平廣漢縣羌水篇羌水出羌中參狼谷注云彼俗謂之天池白水地理志曰出羌道東南流

逕宕昌城東西北去天池五百餘里羌水又逕宕婆城東而東南注合陽部溪水又逕武階城西南〔後魏縣今階州東〕下入陰平一統志羌水今白龍江出洮州衛西南番界東南流逕岷州又東逕階州合白水

過郡三行六百里

師古曰水經云羌水出羌中參谷〔補注〕先謙曰郡三當作郡二隴西廣漢也顏注參下奪狼字

襄武莽曰相桓

〔補注〕先謙曰後漢因續志有五雞聚渭水注渭水自首陽來合廣陽水又東南逕襄武縣東北合荆頭川水又東合泉

水下入天水獮道廣陽水出西山〔鞏昌府西九十里〕二源合注共成一川東北入渭荆頭川水出襄武西南鳥鼠山荆谷〔府南三十里〕東北逕襄武縣故城北入渭泉水出雀富谷東北逕襄武縣南入渭一統志故城今隴西縣東五里

臨洮

〔補注〕先謙曰：秦縣始皇遷民於此。見洮水出西羌中，北至枹罕，東入西。〔補注〕王鳴盛曰：南監本西作河，是朱一新曰：汪本紀：蒙恬築長城，起此至遼東，見本傳。本作河。先謙曰：河水注引地理志云：洮水出塞外。

羌中。又云：沙州記云：洮水與墊江水（卽白水）俱出嶺臺山，山南卽墊江源，山東則洮水源。嶺臺西傾之異名也。洮水東北逕吐谷

渾中，又逕洮陽，曾城北。（洮陽晉縣。）沙州記云：嶺城東北三百里，有曾城，城臨洮水，又東逕洪和山南。（後魏置洪和郡。）又逕迷

和羌城北，又逕甘枳亭，歷望曲谷，在臨洮西南，去龍桑城二百里。又逕臨洮縣故城北，又東北流，屈逕索西城西，又屈而北，逕龍桑城

西，又西北逕步和亭，東合步和川水，又北出門峽。（董祐誠云：峽當在今狄道州南界。）合覃川水，又北歷峽出夷始梁，右合覃壇川

水，又東北逕桑城東，又北合藍川水，又逕和博城，東合和博川水，下入安故。

禹貢西頃山在縣西。〔補注〕先謙曰：禹貢山水澤地篇：西頃山在臨洮縣西南，與志合。山在洮州衛西南三百三十餘里，番名羅插善喇山，綿亘千餘里。

黃河以南諸山，南部都尉治也。師古曰：洮音吐高反。枹讀曰膚。頃讀曰傾。〔補注〕先謙曰：續志：後漢因漾水注，白水出臨洮縣西

無大於此者。南西傾山東南流，合黑水、洛和水、夷水、安昌水，下入廣漢陰平道。一統志：故城今岷州治。白水出

松潘廳北境，東流至西。〔補注〕先謙曰：史紀：堯申命和仲居西土，徐廣以禹貢嶓冢山，西漢所出，南入廣漢白水，東南

昭化縣入嘉陵江。爲此縣秦縣也。有丞，爲周勃樊噲擊破，見勃噲傳。禹貢嶓冢山，西漢所出，南入廣漢白水，東南

至江州入江

〔補注〕先謙曰：禹貢山水澤地篇：嶓冢山在氐道縣南，與志合。西與氐道接界也。通典所謂上邽之嶓冢，在今秦州。西漢下脫水字，入當作會。陳澧云：南入廣漢白水六字衍。甸氏道下云：白水入漢，此云漢入白水，志無此例。且旣云

入白水，又云入江，亦無此例也。江州，巴郡縣。續志：西下云：有嶓冢山，西漢水、漾水注。西縣嶓冢山，西漢水所導也。微涓細注，若通嶓歷

津注而已。西流合馬池水。（見上邽。）又西南流，左得五水，右得三水，又合資水、峽石水、楊廉川水，逕始昌峽。（晉始昌縣。）又逕宕

備戍，合宕備水、鹽官水、左谷水、蘭皋水，又逕祁山軍，合雞水，建安川水，漢水之北，連山秀舉。祁山在嶓冢西七十許里，漢水逕其南，又

合甲谷水，又西逕南岬北岬中，又合武植戍水、夷水，下入武都嘉陵道。楊廉川水出西谷，衆川瀉流，合成一川，東南逕西縣故城北，又

右合茅川水入西漢。建安川水出建威城西北。白石戍東南。合蘭坑水。又東逕蘭坑城北。建安城南。其地故西縣之歷城也。去仇池百二十里。又合錯水。雉尾谷水。太谷水。小祁山水。胡谷水。又東北出塞峽。西北流入西漢。先謙案。西漢水自今西河禮縣至成縣。卽漢志嘉陵也。過郡四。〔補注〕先謙曰。隴西。武都。廣漢。巴。行二千七百六十里。莽曰西治。〔補注〕王念孫曰。此下脫有鹽官三字。潯水注。鹽官水北有鹽官。在蟠冢西五十許里。相承營資不輟。味與海鹽同。

故地理志云。西縣有鹽官。是其證。先謙曰。續志。後漢改屬漢陽。一統志。故城今秦州西南百二十里。

金城郡

〔補注〕先謙曰。據河水注。郡治允吾。續志。後漢治同。劉注。雒陽西二千八百里。

昭帝始元六年置。

〔補注〕先謙曰。見昭紀。

莽曰西海。

應劭曰。初築城得金。故曰金城。臣瓚曰。稱金取其堅固也。

故墨子曰。雖金城湯池。師古曰。瓚說是也。一云以郡在京師之西。故謂金城。金。西方之行。〔補注〕何焯曰。平紀。元始四年冬。置西海郡。乃王莽遣中郎將平憲等持金幣。誘羌豪良願等獻地爲之。非改金城故名也。注疑有譌字。特附見西海之名於此郡下耳。先謙曰。莽時獻地之卑和羌。在臨羌縣西。見後闕駟注。莽納其地。因併金城之名。改爲西海耳。志文不譌。何說誤。續志。後漢因屬涼州。志失書。

戶三萬八千四百七十。口十四萬九千

六百四十八

縣十三

〔補注〕錢大昕曰。昭紀。始元六年。以邊塞闊遠。取天水。隴西。張掖各二縣。置金城郡。是金城始置止有六縣。此十三縣之中。惟破羌。允街兩縣。宣帝所置。其餘俱不書。置自何時。可見志之闕漏者多也。先謙曰。破羌。允街。外榆中。秦置。令居武帝

置河關。宣帝置白石。見元紀。臨羌。見趙充國傳。〔並詳下〕餘無考。

允吾。烏亭逆水出參街谷。東至枝陽入湟。

〔補注〕先謙曰：河水注：逆水（不言烏亭）出允吾縣之參街谷。東南流逕街亭城南。又逕陽非亭北。下入枝陽。元和志：寰宇記：稱烏逆水。一統志：逆水

出平番縣西。舊志：卽莊浪河。入河不入湟。其下流去湟入河處甚近。蓋水道微有變遷。陳澧云：今可可河出莊浪廳西境山。東南流至廳西南境入湟水。先謙案：陳說是。詳令居下。

莽曰修遠。

應劭曰：允吾音鉦牙。〔補注〕錢坫曰：梁鴻父讓王莽時封

修遠伯。卽此地。先謙曰：續志：後漢因劉注。西羌傳有唐谷。秦州有牢北山。傍有三窟。河水篇：河水東過允吾縣北。注云：大河自枹罕來逕縣南。不在其北。合湟水。下入金城。湟水自破羌來。東南逕小晉興城北。關駟云：允吾縣西四十里有小晉興城。湟水又合浩亶水。東逕允吾縣北。爲鄭伯津。又合澗水。（見令居）下入允街。浩亶水自浩亶來。東流至縣入湟。先謙案：本志云：浩亶水東至允吾入湟水者也。一統志：故城今皋蘭縣西北。浩亶。浩亶水出西塞外。東至允吾入

湟水。莽曰興武。

孟康曰：浩亶音合門。師古曰：浩音諧。浩水名也。亶者水流峽山岸深若門也。詩大雅曰：鸛鳴在亶。亦其義也。今俗呼此水爲閣門河。蓋疾言之。浩爲閣耳。湟音皇。〔補注〕先謙曰：續志：後漢因劉注。有雒都谷。河水注：閣門河卽浩

亶河。出西塞外。東入塞。逕敦煌。酒泉。張掖南。又東南逕西平之鮮谷塞尉故城南。（當在今青海北）又合湛水。又東逕養女北山。（在今大通縣西）左合南流川水。又逕浩亶縣故城南。關駟云：浩讀閣也。故亦曰閣門水。兩兼其稱矣。下入允吾。一統志：故城今碾伯縣

東接平番縣界。與西大通

堡近。浩亶水今大通河。

令居。

〔補注〕先謙曰：縣詳張騫匈奴傳。及後書西羌傳。

澗水出西北塞外。至縣西南入鄭伯津。莽曰罕虜。

孟康曰：今

音連。師古曰：令音零。〔補注〕先謙曰：續志：後漢因鄭伯津卽河津也。（見允吾）河水注：澗水出令居縣西北塞外。南流逕其縣故城。西武帝元鼎二年置。又南逕永登亭。西歷黑石谷。南流注鄭伯津。甘肅通志：澗水卽可可河。出古浪縣西南。南流逕大通堡東。又南逕紅城子入湟。一統志：故城今平番縣西北。陳澧云：澗水卽莊浪河。志言逆水出參街谷。澗水出塞外。今可可河出莊浪廳西境。而莊浪河出其北百餘里。故知莊浪河爲出塞外之澗水。而可可河爲逆水也。

枝陽。

〔補注〕先謙曰：續志：後漢因河水注：逆水

自允吾來東南逕廣武城西。(元和志)漢枝陽縣前涼置廣武郡。城西南二十許里。水西有馬蹏谷。又東逕枝陽縣故城南。東南入湟。地理志曰。逆水東至枝陽入湟。湟水自允街來。東逕枝陽縣合逆水。下入金城。一統志。故城今平番縣城南。接皋蘭縣界。董祐誠云。當在今莊浪廳南。

金城。莽曰金屏。

〔補注〕先謙曰。續志。後漢因河水注。湟水自枝陽來。東入金城河。即積石之黃河也。闕駰云。河至金城縣。謂之金城河。隨地爲名也。又東逕石城南。謂之石城津。闕駰云。在金城西北。河水又東南逕金

城縣故城北。十三州志。大河在金城北門東流。合梁泉。下入榆中。梁泉出縣南山。北入河。一統志。故城今皋蘭縣西南。

榆中。

〔補注〕先謙曰。秦縣見始皇紀。續志。後漢因河水篇。河水東過榆中縣北。注云。河水自金城來至縣。昔蒙恬爲秦北逐戎人。開

榆中之地。徐廣史記音義云。榆中在金城。即阮嗣宗勸進文。所謂榆中以南者也。河水下入天水勇士。一統志。故城今金城縣西北。在黃河之北。寰宇記。謂即大小榆谷。明統志云。在蘭州西二百里。皆誤。

枹罕。

應劭曰。故罕羌侯邑也。枹音鈇。師古曰。讀

曰膚。本枹鼓字也。其字從木。〔補注〕先謙曰。顧祖禹云。寰宇記。枹罕縣下。引周地圖云。枹罕。即故枹罕侯邑也。應注。故下奪枹字。縣亦見武紀。續志。後漢改屬隴西。河水注。河水自河關來。東歷鳳林北。秦州記。枹罕原北。名鳳林川。川中則黃河東流也。又東合灘水。又逕左南城南。(張軌縣)又東逕赤岸北。秦州記云。枹罕有河夾岸。岸廣四十丈。又東合洮水。下入允吾。灘水自白石來。東合罕開南溪水。又東逕枹罕縣故城南。十三州志云。縣在郡西二百一十里。灘水在城南門前東過也。又東北合故城川水。又東合白石川枝津水。又東北出峽。(峽在今河州東北)北入河。志云。離水東至枹罕入河也。罕開南溪水出罕開西。東南流逕罕開南入灘。十三州志云。廣大阪在枹罕西北。罕開在焉。(蓋罕開羌所居。在今河州西)白石川枝津水自白石來。東絕罕開溪。又逕枹罕城南。(後魏枹罕城疑即今河州治)入灘。洮水自隴西狄道來。又北翼帶三水。亂流北入河。志云。洮水北至枹罕東入河。是也。一統志。故城今河州治。

白石。

〔補注〕先謙曰。任立屯軍於此。見元紀。

離水出西塞外。東至枹罕

入河。莽曰順磔。

應劭曰。白石山在東。〔補注〕宋祁曰。磔。一本作樂。先謙曰。河水注。離水導源塞外羌中。(董祐誠云。今大夏河出循化廳西南邊外。山曰荅蘇爾海阿林。水曰和爾藏必拉)故志云。出西塞外也。東北流。歷野虜中。逕消銅城西。

（當在今循化廳南）又逕列城東合列水又北逕可石孤城西（今河州西南）又右合黑城溪水又東北逕榆城東（循化廳東南）合榆城溪水又逕石門口疑卽皋蘭山門也霍去病出隴西至皋蘭謂是山之關塞也灘水合皋蘭山水又東合白石川水又逕白石縣故城南關騶云縣在狄道西北二百八十五里灘水逕其北今灘水逕其南不出其北也又逕白石山北應劭云白石山在東又合羅溪水下入枹罕白石川水出縣西北山下東南流枝津東注焉白石川水又南逕白石縣城西入灘白石枝津水上承白石川東逕白石城北下入枹罕先謙案水經注作順礫則宋說一本作樂者誤也續志後漢改屬隴西白石山與狄道白石山各別一統志故城今河州西南灘水今大夏河

河關

〔補注〕王念孫曰河水注引地理志云漢宣帝神爵二年置河關縣則此縣下

當有宣帝神爵二年置七字而今本脫之先謙曰續志後漢改屬隴西一統志故城今河州西

積石山在西南羌中

〔補注〕先謙曰禹貢山水澤地篇積石在河關縣西南注云山海經云在鄧林東河所入也一統志積石山卽今大

雪山在西寧邊外西南五百三十餘里黃河北岸綿亘三百餘里上有九峯爲青海諸山之冠河流其南至山之東乃折而北土人以爲西海之望四時禱祀唐時名爲大積石元史誤爲昆侖者也西域水道記云自章懷注後書誤認龍支縣之小積石爲禹貢之積石杜佑通典踵其謬至蔡傳援以釋經而大小積石合而爲一矣小積石山在今甘肅河州西北七十里山之西北百二十里爲積石關

河水行塞外東北入塞內至章武入海

〔補注〕先謙曰章武勃海

縣班氏知河源荒遠故志渾言行塞外而不記所出國朝乾隆中平定回部侍衛阿彌達往窮河源見阿勒坦郭勒之西有巨石高數丈名阿勒坦噶達素齊老（蒙古語噶達素北極星齊老石也）其崖壁黃赤色壁上爲天池池中流泉噴涌醴爲百道皆作金色入阿勒坦郭勒爲眞黃河上源其阿勒坦郭勒（蒙古語阿勒坦卽黃金郭勒卽河也）在星宿海西南水色黃回旋三百餘里穿入星宿海中自蒲昌海（卽鹽澤蒙古語謂之羅布淖爾）伏流地中至青海始出爲星宿海（蒙古語謂之鄂敦塔拉其水在庫爾坤之東）而河源黃色獨爲靈異更在星宿海上合流至貴德堡始名黃河元史志言張騫道西域見二水交流發蔥嶺匯鹽澤伏流千里至積石而再出史記大宛傳本書西域傳于闐之東水流注鹽澤潛行地下其南則河源出焉皆相符合詳見御製河源紀略水經河

水篇。河水東入塞。過敦煌、酒泉、張掖郡南。注云：河水自蒲昌（見敦煌郡下）有隱淪之證。並開闢入塞之始。河水重源。又發於西塞之外。出於積石之山。山海經云：積石之山。其下有石門。河水冒以西流。禹貢所謂導河自積石也。山在西羌之中。河水屈而東北流。逕析支之地。是爲河曲。應劭云：禹貢析支。屬雍州。在河關之西。東去河關千餘里。羌人所居。謂之河曲羌也。東北歷敦煌、酒泉、張掖南。而纏絡遠矣。（董祐誠云：經舉三郡以表地。注明河去三郡尙遠。通典必欲求河於三郡中。誤矣。）河水自河曲。又東逕西海郡南。王莽置樂五縣。又逕允川。而歷大榆、小榆谷北。（今貴德廳西。）又右逕沙州北。（蓋卽河關縣境。）地理志云：宣帝神爵二年。置河關縣。蓋取河之關塞也。又東北入西平郡界（晉郡）左合二川。又合濟川水。又東逕澆河故城北（宋縣）又逕石城縣南（後魏縣）合北谷水。逕黃（當作湟）河郡城南（前涼郡）又北逕廣遠城北（循化貴德二廳間）合烏頭川水。又東逕邯川城南（巴燕戎格廳境內）納邯亭二水。臨津溪水。白土川水。又東北會兩川。右合二水。又合唐述水。研川水。下入枹罕。西域水道記云：羅布淖爾水。伏流東南。千五百餘里。涌出於巴顏哈喇山之麓。爲阿勒坦郭勒。東北行三百里。入鄂敦塔拉。會碧水。黃色稍淡。縱廣百里。南北長而東西狹。泉數百如星。故有星宿海之號。又東出鄂敦塔拉。東南流百三十里。潞爲扎淩淖爾。出淖爾東南流。折而南五十里。潞爲鄂淩淖爾。自淖爾東北出。東流五十里。折而東南百四十里。又南流二百六十里。折而東南三百里。逕阿彌耶瑪勒津水。遶山南麓。又東流折而北。又折而西北。凡千六百餘里。逕山之東麓。迄於克魯渡口山。卽古大積石也。自先秦古書。言河出崑崙。而不言崑崙所在。言河伏流。而不言伏流所出。至漢書。始有源出蔥嶺于闐。潛流地下。南出積石之文。得河之初源。而未言重源。唐劉元鼎使吐蕃。誤指庫爾坤山爲崑崙（巴顏哈喇山。阿克塔沁山。巴爾布哈山。三山並峙。總名庫爾坤山）而云河源出其間。則失河之初源重源。而並失崑崙。元潘昂霄撰河源志。以火敦老兒（卽鄂敦塔拉）爲河源。而誤指大積石山爲崑崙。小積石山爲禹貢積石。則失河之初源重源。而並失崑崙與積石。自非八荒在宥。千載一時。淆亂之說。疇使辨哉。過郡十六。行九千四百里。（補注）王鳴盛曰：河所過郡。據鄭康成尙書注。當爲金城、天水、武威、安定、北地、朔方、五原、雲中、定襄、鴈門、西河、上郡、河東、馮翊、河南、河內、魏郡、鉅鹿、東郡、清河、平原、信都、勃海。凡二十三郡。此言十六。疑有闕漏。

破羌。宣帝神爵

二年置。

〔補注〕王念孫曰。河水注。湟水東逕破羌縣故城南。應劭云。宣帝神爵二年置。全氏祖望據此。謂宣帝神爵二年置七字。乃應劭注。非班志原文。今本脫應劭曰三字。案上文之河關。下文之允街。並云宣帝神爵二年置。則此亦班志原文。非應劭注。

也。水經注所引。乃應劭地理風俗記耳。淇水注。白溝又東。水逕平恩縣故城東。地理風俗記云。漢宣帝地節三年置。是其比例也。或曰。既係班志原文。何以不引班志而引地理風俗記乎。曰。西河郡鴻門下云。有天封苑。火井祠。火從地中出。此班志原文也。而河水注以爲地理風俗記文。日南郡下云。故秦象郡。武帝元鼎六年開。此班志原文也。而溫水注亦以爲地理風俗記文。然則水經注中。固有不引班志而引地理風俗記者矣。右扶風渭城下云。故咸陽。此班志原文也。而渭水注則云。渭城。文穎以爲故咸陽。彼言文穎以爲故咸陽。猶此言應劭曰宣帝神爵二年置也。豈得因應劭曰三字。而遂謂其非班志原文乎。先謙曰。續志。後漢因。河水注。湟水自安夷來。逕樂都城南。東流。右合來谷。乞斤二水。左合陽非。流溪。細谷三水。東逕破羌縣故城南。城省南門。十三州志云。湟水河在南門前。東過。六谷水自南。破羌川自北。左右翼注下。入允吾。一統志。故城今碾伯縣西。

安夷。

〔補注〕先謙曰。續志。後漢因。河水注。湟水自臨羌來。東合龍駒川水。長甯川水。牛心川水。又逕西平城北。〔曹魏西平郡〕。又逕土樓南。右合五泉。又右合蔥谷水。又逕東亭。

北。出漆峽。右合漆谷常溪水。左合甘夷川水。又合安夷川水。又逕安夷縣故城。城有東西門。在西平亭東七十里。又左合宜春水。勒且溪水。又合承流谷水。及六山溪水。下入破羌。安夷川水出遠山。西北流。控引衆川。北屈逕安夷城西北。東入湟。宜春水出東北。宜春溪。西南流。至安夷城南。入湟。勒且溪水。出縣東南。勒且溪。北流。逕安夷城東。入湟。一統志。故城今西甯縣東七十里。

允街。宣帝神爵二年置。莽曰修遠。

孟康曰。允。音鉦。〔補注〕先謙曰。續志。後漢因。修遠下宜有。

亭字。以別於郡治。今脫。河水注。湟水自允吾來。東逕允街縣故城南。王莽之修遠亭也。縣有龍泉。出允街谷。泉眼之中。水文成交龍。或試撓破之。尋平成龍。畜生將飲者。皆畏避而走。謂之龍泉。下入湟水。湟水下入枝陽。一統志。故城今平番縣南。寰宇記。其城極險阻。沮。

渠蒙遜增築防。

臨羌。

〔補注〕先謙曰。縣見趙充國傳。

西北至塞外。有西王母石室。僊海鹽池。

〔補注〕錢坫曰。爾雅四荒。有西王母。國名。竹書紀年。穆王十七年。西征于昆侖邱。見。

戊。今尙堅完。

西王母。卽此地矣。依水經注。石室下常有石釜二字。先謙曰。董祐誠云。河水注作西海。卽僊海。今日青海。蒙古曰庫克諾爾。鹽池在其西南。蒙古曰達布遜諾爾。庫克諾爾。謂青達布遜。謂鹽諾爾。則積水之名也。先謙案。僊西青並聲轉字變。僊海之爲西海。猶先零之爲西零矣。趙充國王莽傳。又作鮮水海。鮮僊亦音同變字。一統志。青海在西甯府西五百餘里。周回七百五十餘里。鹽池在青海西南。周百餘里。產青鹽。

北則湟水所出。東至允吾入河。

〔補注〕先謙曰。河水注。有湟水。出塞

外。東逕西王母石室。石釜。西海鹽池北。故闕駰云。其西卽湟水之源也。地理志云。湟水所出。董祐誠云。湟水出青海東北。實不逕青海鹽池之北。志云北則湟水所出。蓋指縣北言之。與上西北一例。非蒙上僊海鹽池也。酈偶失檢。注又云。湟水東南流。逕龍夷城。故西零之地也。十三州志云。城在臨羌新縣西三百一十里。王莽納西零之獻。以爲西海郡。治此城。湟水。又東南逕卑禾羌海北。有鹽池。闕駰云。縣西有卑禾羌海者也。世謂之青海。東去西平二百五十里。湟水東流。逕湟中城北。故小月氏之地也。又東右合四溪水。又東逕赤城北。經戎峽口。右合羌水。又東逕臨羌縣故城北。武帝封孫都爲侯國。王莽之監羌也。謂之綏戎城。非也。湟水又東合盧溪水。又東逕臨羌新縣故城南。〔蓋魏晉閒徙。〕又東右合四川。左會臨羌溪水。下入安夷。羌水出西南山下。逕護羌城東。故護羌校尉治。〔通鑑注。高帝置。治令居。東漢初。治安夷。建初二年。徙治臨羌。〕又東北逕臨羌故城西。東北入湟。

西有須抵池。有弱水。崑崙山祠。

〔補注〕先謙曰。弱水。崑崙山二祠也。續志有崑崙山。迺誤奪祠字。後人多據此以爲山水

在縣境。非也。陳澧云。今青海之南。有功額池。細納池。奇爾多克池。殷得爾圖池。未知孰爲須抵池也。此弱水祠。非祠張掖刪丹水。蓋祠青海。卽僊海也。青海水不能浮舟。故亦謂之弱水矣。

莽曰鹽羌。

師古曰。闕駰云。西有畢和羌。卽獻王莽地爲西

海郡者也。抵音丁禮反。〔補注〕王念孫曰。鹽當依水經注作監。凡縣名上一字稱臨者。莽多改爲監。王鳴盛曰。注畢南監本作卑。先謙曰。作卑是也。據河水注。和與禾同。續志。後漢因一統志。故城今西甯縣治。

天水郡。

〔補注〕閻若璩曰。天水治平襄。以五行志知之。水經注言故天水郡治冀。指東漢時。先謙曰。續志。後漢治冀。劉注。雒陽西二千里。又分置南安郡。永陽郡。渭水注。上邽北城中。有湖水。有白龍出。是湖風雨隨之。故漢武帝元鼎三年。改爲天水郡。